



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

613.81

5-84

Մ. ՄԱՅԻԿԵԱՆ

384

ՏԱՐԱԾՈՒԼԵՐ ԵՒՏԸ



Բ. Ա. Գ. ՈՒ

Յարսան «Արար»

1904

14 MAY 2013

Ս. Մ. ԾՈՑԻԿԵԱՆ 20 JUL 2010

1101

$\frac{610}{112-80}$

384

$\frac{613.81}{8-84}$ ուր.

ՏԱՐԱԾՈՒՄԾ ԱԽՏԸ

$\frac{1003}{10211}$



ԲԱԳՈՒ
ՏՊԱՐԱՆ „ԱՐՐԸ“
1904

ՏԱՐԱԾՌԻԱԾ ԱԽՏԸ


Ա.

Ցաւալի է, որ ոչ անհատական և ոչ էլ ընկերական ակնյայտնի վնասները խրատ չեն լինում, որ մարդիկ թողնեն ոգելից խմիչքներ գործածելու սովորութիւնը:


Ս. բրեցողութիւնը, որ անասնացնում է մարդուն, ոտնակոխ անելով ամեն արժանապատութիւն, սարսափելի կերպով տարածուած մի ախտէ դառել: Մի ախտ, որ բացի բարոյական անկումներից, և ֆիզիկական մեծ կոտորածներ է առաջացնում: Մենք դեռ չենք խօսում նիւթական կործանումների մասին, որ չափ ու սահման չունի:

Ալիօրի* պատճառած աղէտները, ուրիշ մի կարգ սոսկալի աղէտներից աւելի մեծ է նորանով, որ թողած հետքերը խորն ու տևական: Ախտավարակութեան հետևանքները անցնելով սերնդից սերունդ, հետզհետէ աւելի և աւելի ուժեղ թափով են արտայայտուում:

* Խմիչքների ոգին, թոյնը



Дозволено Цензурою. Тифлисъ, 9 Апрель 1904 г



ՀԱՅԿԱՍՏԱՆԻ
ԳՐԱԳԻՏՈՒԹՅԱՆ
ԳՐԱԳԱՐԱՆ

Իրաւ է թէ, խմելու սովորութիւնը շատ հին ժամանակներից է սկսած ու տարածուած մարդոց մէջ: Բայց նախկին ժամանակների մարդիկ շատ չէին գործածում ոգելից խմիչքներ: Գորա զլլաւոր պատճառը, պէտք է ասել, այն էր որ, ոգելից խմիչքներ ամեն տեղ և ամեն ժամանակ առատօրէն չէր ճարուում: Նամանաւանդ որ, շատ թանկ էին արժուում: Հին դարերում շատ չկային սգելից խմիչքներ պատրաստող գործարաններ: Հողագործութիւնը աւելի սննդատու և օգտաւէտ բերքեր էր տարտադրում հացահատիկների հետ միասին:

Իսկ այժմ, զժբաղդաբար, այնպէս չէ՝ Ամենքին յայտնի է թէ աշխարհի ամեն կողմում, որքան հողեր զբաւուած են արիօլարտադրող բերքերի մշակութեամբ: Յայտնի է և այն, թէ որքան շատ կան ոգելից խմիչքներ պատրաստող գործարաններ և վաճառող միժ ու փոքր խանութներ, նամանաւանդ՝ զինետներ:

Այս օր, ամեն երկրի լուսաւորուած կենտրոններում թէ յետ ընկած խաւար անկիւններում, ամեն կարգի, հասակի և սեռի պատկանող մարդիկ, ինչպէս մի տեսակ հոգեկան հիւանդ, շարունակ ձգտում են բաւականութիւն փնտռել արիօլի մէջ: Իսկ արիօլի պատճառած բաւականութիւնը, էսպէս այն բա-

նումն է միայն կայանում, որ թունաւորում է նորանց կեանքը ու շարաշար սպանում:

Այնպիսի մարդիկ կան, որոնց համար խումբը ուղղակի կենսական պահանջ է դառել: Եւ նորա այնպէս են կարծում, որ եթէ մի օր չի խմեն՝ պիտի հիւանդանան ու մեռնին:

Մարդիկ էլ կան, որոնց համար, ճշմարիտ է, թէ և կենսական պահանջ չէ խմելը, և ոչ էլ սովորութիւն, բայց և այնպէս խմում են: Նորա խմում են, ինչպէս որ իրանք են բացատրում, մի կարգ պատճառներից զբղուած: Պատճառներ, որոնց համարում են նշ միայն արգարացի, այլ մինչև անգամ յարգելի:

Յոյց տանք այդ պատճառներից մէ երկուսը իրրև օրինակ:

Բ.

Մէկը խմում է ընդհանրապէս՝ երբ ունենում է մի ծանր վիշտ: Նա խմում է այն խաբուսիկ յոյսով զբաւուած, որ իւր վիշտը պիտի մոռանայ: Նա իր սրտին սիրելի մի անձ է կորցրել, և որին դեռ նոր տարել, յանձնել է հոգին: Նա վերադառնում է գերեզմանատնից: Բարեկամներն ու ազգականները նորան շրջապատում են:

Նստում են սեղան: Ակում են ուտել, բայց ուտելուց աւելի խմել: Խմում է և սպաւորը: Բայց նա քանի խմում է, այնքան իր վիշտը բորբորում է, փոխանակ գտնելու այն մխիթարութիւնը կամ մոռացումը՝ որին սպասում էր:

Առաջ, որ նա դեռ ինքնիրան չի կորցրած, քաղաքավարական պատշաճութիւններից զրդուած, մի կերպ իրան պահում էր, հիմա այդ էլ չի կարողանում: Անպուշ կերպով պոթկում է: Եւ այդ անպիտան տղամարդը, ինչպէս մի փոքրիկ երեխայ, սկսում է բարձր ձայնով լաց լինել: Մտէք այժմ դուք նորա հիւրերի գրութեան մէջ, թէ արդեօք խեղճերը սրբան անհանգիստ են լինում, նեղում:

Վերջապէս, հոգեկան սաստիկ տանջանքներից բոլորովին ուժասպառ եղած, մի տեսակ անդգայ վիճակի մէջ է ընկնում: Իսկ երբ սթափւում է այդ անդգայ վիճակից, նա արդէն տեսնում է, որ խմելով սչ միայն իր վիշտը չէ մոռացել, հապա այդ վշտի վրայ աւելացել է և մի ծանր, ճնշող, յուսահատական լքում:

Յաւալի դրութիւն չէ:



Գ.

Մի ուրիշը խմում է հաճոյքի, ուրախութեան համար: Նա խնջոյք է սարքում իր տանը որ և է ուրախ պարագայի առիթով: Ծանօթ ու ընկեր մարդիկ, իմանալով այդ, շտապում են չնորհ բերել նորա տանը:

Եւ արդէն բոլորը տրամադիր ու պատրաստ ուրախ ժամանակ անցկացնելու, սկսում են խմել:

Ի՞նչ խօսք, որ գոնէ նորանցից շատերը ճիգ են գործ գնում, որպէս զի միմիանցից յետ չի մնան խմելու մէջ, իրար գերազանցեն: Եւ ով որ ամենից աւելի խմելու յազթանակն է տանում, նորա հասցէին տեղում են գովեստներ, ինչպէս փառքի ու պարծանքի արժանի մի հերոսի:

Երգերի ու պարերի հետ սկսում են առաջ գնալ և անմիտ սրաբանութիւնները, անհամ կատակները, զգուելի բանբասանքներն ու անտանելի անձնագովութիւնները:

Մի տեսակ ճշմարիտ երևոյթի աակ՝ բռնազբօսիկ դուարճութիւն ու կեղծ ուրախութիւն է տիրում ամենքի վերայ:

Մինչ այդ սակայն, այսպէս թէ այնպէս,

դեռ մի կերպ, կարգը պահպանուած է:

Բայց ահա, մէկ էլ տեսար, նորանցից մէկը սկսեց խօսել մի ուրտի մասին: Այդ ուրտը, իբրև թէ, ինք իր սեպհական աչքերով տեսել է, որ թևեր առած թռչել է օդին մէջ, ինչպէս մի թռչուն:

Լսողները, բնականաբար, եթէ դեռ իրանք իրանց չեն կորցրած բոբոբովին, չեն կամենում հաւատալ ուրտի թռչելու անբնական ու այլանդակ պատմութեանը:

Նա պնդում է միշտ իր ասածի վրայ, և ստիպում որ անպատճառ հաւատան: Միւսներն էլ, իրանց կարգին, շարունակ հերքում են: Վիճաբանութիւնը գնալով թունդ, կրքոտ ու սուր բնաւորութիւն է ստանում: Եւ վերջապէս փակուում է տեսարանը գիտէք ինչով.— կողմնակի ծանր վիրաւորանքներով ու կռուով, եթէ ոչ սրով ու ատրճանակով:

Ահա մի ուրախ ժամանց . . . :



Հիմա ուրիշ վարագոյր է բացւում: Այս անգամ մենք բեմի վրայ տեսնում ենք մի կարգ զարգացած երիտասարդներ: Այդ պարոնները մտադիր են խմել նորա համար, որպէս զի ո-

գետուին, ջերմ զգայունքներով լցուին, և հասարակական գործունէութեան գեղեցիկ ծրագիրներ յղանան:

Նորա հիմա ուրախ գուարթ շրջապատում են ընտիր սգեկից խմիչքներով ու ազանդերներով բեռնաւորուած սեղանը: Եւ խոյն, գիմում են իրանց մտադրութեանը. այն է խմելու:

Բաժակներն արդէն շառաչում են, և շուտ շուտ դատարկւում խիստ գեղեցիկ ու զազափարական «կենաց» ներով:

Եւ ահա, շատ ժամանակ չ'անցած, այդ սիրուն երազներով օրօրուն երիտասարդների գլուխները սկսում են պտոյտ գալ. աչքները աւելի փայլի, և երեսներն ու քթերը կարմրի: Արդէն բարձր խորհուրդներով ներչնչուած են: Այժմ նոցա բերաններում լեզուներն աւելի շուտ շուտ են դառնում, ճիշտ ինչպէս դառնում են ջրադոցների անխները: Նոցա եռանդոտ, կրակոտ խօսակցութեան առարկաներն են կազմում բացառապէս հասարակական և գաղափարական խնդիրներ: Միայն թէ, այնքան էլ շատ միմիանց չեն լսում, որքան խօսում են: Այդ սաստիկ ոգևոր, բայց և խառնի խումն խօսակցութիւններից խոյն երևում է, որ նորանցից ամեն մէկը պատրաստ է ամեն տեսակ զոհողութեան: Իրենց կեանքը նոյն իսկ,

այլևս կոպէկի չափ արժէք չ'ունի իրանց աչ-
քում այդ միջոցին: Եւ նորա սիրայօժար ցան-
կանում են նուիրուել վերացնելու համար հասա-
րակական ամեն չարիք ու թշուառութիւն:

Այդ բոլոր հիանալի պատրաստականութիւն-
ները սակայն, ինչօգուտ, որ մտում են միմիայն
խօսքեր, զուր ոգևորութիւններ, և զգացում-
ների ապարդիւն բռնկումներ: Այդ բոլորը,
ասում ենք, գինու ոգիին հետ բարձրանում են
նոցա զլուխները, և լցնում՝ զանկերը: Դորա-
նից առաջ է գալիս վաղացիկ, անբնական մի
ջերմութիւն, որ եռացնում է նոցա ուղիւնները՝
և հետզհետէ նորից սառեցնում: Մի սառնու-
թիւն, որ գնալով աւելի սաստկանում է մանա-
ւանդ, քանի նորա հեռանում են Բագոսեան սե-
ղանից: Իսկ այն՝ հասարակական գործունէութե-
հան գեղեցիկ գաղափարները, որ նոր յղացել
էին, չի կարողանալով մարսել, արդէն փոխել,
զուրս են թափել բոլորը իրանց միջից . . . :

Եւ հիմա՝ ոչ միայն յոգնած, զաղբած են
գործելուց՝ նոցա մտքերն ու զգացմունքները,
հալլա նա և մարմինները՝ որոնք կարօտում են
հանգստի:

Մօտեցէք, վերցրէք նոցա անկողինների վա-
րագոյրները, և դուք կը տեսնէք, որ նորա իրանց
ձեռներն ու ոտները արձակ տարածած, սոս-

կալի կերպով խումփում են:

Տխուր կատակերգութիւն . . . :

Ե.

Թողնենք այժմ տներում արբեցող պատու-
աւոր մարդկանց ընկերութիւնները, և մի րօ-
պէ էլ մտենք գինետուն.

Ի՞նչ կը տեսնէք դուք այնտեղ: -- Ծխից
ու արտաշնչումներից գոյացած մի թանձր,
վատաբողջ մթնոլորտ, որի տակ, խումբ խումբ
մարդիկ նստած, անյազաբար խմում են.

Դորանց մէջ ամեն հասակի ներկայացու-
ցիչներ կան:

Գայթակղելը, որ այնքան մեծ յանցանք
չէ, որքան գայթակղեցնելը, դորա տխուր ար-
դիւնքները շեշտակի աչքի են ընկնում այդ
մարդկանց մէջ: Դուք տեսնում էք դեռատի երի-
տասարդներ, նոյն իսկ պատանիներ, որոնք
կուրօրէն մեծ մարդոց յիմարութեան օրինա-
կին հետևելով՝ խմում են, ծխում ու անբարո-
յականանում:

Այդ մուռլ մթնոլորտի տակ, զանազան
ունգային ու կոկորդալիք ձայներ են հնչում, փո-
ղոցային խաղեր լսում, և այլանդակ ծիծաղ-
ներ են բարձրանում: Օտարներ, որոնք խմիչքի

ազդեցութեան տակ, խսկոյն և ելծ միմիանց հետ բարեկամանում են: Նորա, միմիանց մինչև անգամ իրանց սրտի թագուն խորհուրդներն ու գաղտնիքներն են յայտնում: Արբած մարդը գաղտնիք չի կարող պահել: Մտերիմ բարեկամներ, սրտնք, միմիանց դէմ, ամենաչնչին մի պատճառից, խսկոյն լարում, թշնամանում են, խուլ տտերութեամբ լցւում, և մատնութիւններ անում: Գուր կը տեսնէք խնայասէր, անվնաս, և գառնուկի նման հեղ մարդիկ, որոնք արբենալով դառել են վատնող, չար, և կրքերի մէջ այնպէս անզուսպ, ինչպէս մի գազան: Նորա, ծայրահեղ դէպքում՝ գուցէ սճիր էլ գործեն: Գուր կը տեսնէք և ուժեղ նկարագրի, երկաթեայ կամքի տէր մարդիկ, որոնք արբելով դառել են ուղղակի մի կամազուրկ ըստրուկ, մի խեղճ, ողորմելի անասուն:

Եւ գոյգողացող ձեռներով բաժակները միշտ լցւում են: Կարմիր, դեղին ու սպիտակ թոյները հոսում են կոկորդիներից վար՝ ստամոքսները: Թոյներ, որ զրգռում, բորբոքում են ստամոքսը, խանգարելով նորա կենտարար գործունէութիւնը: Թոյներ որ այրում, մրկում, փճացնում են մարդկայնն կազմուածքի ներքին յոյժ փափուկ գործարանները: Թոյներ, որոնց փոխարժէքը գուցէ փրկելու էր այդ օրը խոն-

դի ընտանիքը՝ քաղցածութիւնից, երեխաների ուսման վարձքն անվճար մնալու հոգսից, և դեռ ուրիշ շատ տեսակ ցաւերից:

Եւ ահաւաստիկ, ներկաներից մէկի չափն արգէն լցւած: մինչև անգամ անց կացած, գուրս է գալիս գինեանից, օրօրուելով ու տատանուելով:

Հետեւէնք նորան: Նա, փոզոցում, անցորդների ծաղրին ու ծանակին առարկայ է գառել: Մի րօպէ, նոյն խակ, էլ անկարող է լինում պահել իրա հաւասարակչութիւնը: Եւ ընկնում է փողոցի մէջ տեղը, փաւում՝ ինչպէս մի մեռել, և անարգ մի դրութեան մէջ անզգայանում: Անցորդներից սմանք, մօտենալով այդ անզգայացած խղճալի մտակոյտին, որի անուննէ մեառդ, թրում են նորա վրայ: Այդ դեռ բաւական չէ, նորա իրանց ոտներով հրմշտկում ու խփում էլ են, և ապա թողնում, գնում իրանց գործին, արգահատանրից աւելի զգուանրի զգացմունքով լցւած:

Բայց ահա, ահա կառք է գալիս այն կողմից: Նա չի տեսնում, չի զգում: Յաւալին այն է որ դիշեր է, փողոցը մուժ, և մօտը, այդ րօպէին, դէժ իր վրայ թքող ու ոտներովը խփող մէկն էլ չիկայ: Կառապանը գեանի վրայ տարածուող մարդուն չի նշմարում: Սրարչաւ քշում,

անցնում է: Ձիանց ոտներն ու կառքի անիւ-
ները կոխտում, ջարդում են նորա մարմինը:
Թշուառք: Մինչ գեռ տանը նորա աւելի կօ
թշուառ կինն ու գաւակունքը, հազար ու մէկ
կասկածներով ու մտատանջութիւններով իրան
են սպասում, որ մի կտոր հաց բերէ, ուտեն
ու պառկին:

Աւասիկ և մի ամուրի երիտասարդ, որ
չնորհիւ ալիօլի, նորա մէջ ամեն ժամանակից
աւելի սկսած է եռալ անասնական կիրքը: Եւ
հիմա նա՝ բուռն ու անյազ ցանկութիւնով լցո՛-
ւած, դուրս է գալիս գինեանից:

Տեսէք, տեսէք, թէ նա ինչպէս թոնաւոր
ընդգրկումների հեշտագին երևակայութեանց
մէջ խորատուլուած, առանց նոյն իսկ իր կար-
մբած աչքերը շուրջը դարձնելու, քայլերն ուզ-
ղեց դէպի վատահամբաւ վայրերը: Նա արդէն
հասաւ, մտաւ՝ երիտասարդութիւն, արիւն ու
կեանք ծծող հրապուրիչ գօտխրից ներս: Գո-
ները փակուեցին, և նա, իր ամբողջ հոգովն
ու մարմնովը անձնատուր եղաւ անառակութե-
ան: Ջարհորան՝: Նա չի մտածեց, չի կա-
րողացաւ մտածել, թէ այդ անզգոյզ դրութեան
մէջ կարող է վարակուել վատ հիւանդութիւն-
ներով: Ի՞նչպէս կարող էր մտածել, բանի որ
գլխումը փոխանակ խելքի՝ գինու մոլեգին, դի-

ւական չար սգին էր տիրած: Եւ նա, թելադ-
րուած այդ չար սգուց, շարժուեց, գնաց ըն-
կաւ այն անդունդի մէջ, որ լիքն է սոսկալի
ցաւերով ու ախտելով:

Դեռ շատ տեսակ վատ և աւելի վատթար
հետեանքների օրինակներ կարելի է տալ, որոնք
անխուսափելի կերպով միշտ առաջ են գալիս
խմելուց: Բայց աւելորդ են: Արովհետև այդ բո-
լորին շատ լաւ ծանօթ են այն բոլոր մարդիկ
որոնք քարշ են գալիս արբեցողութեան պատու-
հասներով լիքը աշխարհում:

Զ.

Բոլոր դիտական հետազոտութիւնները, և
ամեն օր իրական կեանքում պատահած դէպ-
քերը հաստատում են, որ ալիօլ գործածելու
սովորութիւնը միշտ էլ եղել է վնասակար:
Բայց մարդիկ, գիտենալով հանդերձ, դարձեալ
չեն կամենում հեռանալ այդ վտանգաւոր սովո-
րութիւնից:

Ինչու: — Արովհետև, բացի ներելի կարծո-
ւած պատճառներից, այնպիսի մի ընդհանուր
համոզմունք էլ կայ գոյացած, որ իբրև թէ
ոգեկից լամիչքները զանազան օգտակար յատ-
կութիւններ են կրում իրանց մէջ: Ար իբրև թէ

խմիչքները լաւ ակտորժակ ու սնունդ են տալիս, մարտոզութիւնն են դիրացնում, արիւն շտապնում, մարմինը տաքացնում, և այլն:

Բայց, արդեօք, ճիշտ է այդ համոզմունքը: Ահա թէ ինչ է պսում արդ մասին գօլտօր Վ. Արծրունիի. «խմիչքը մարդուն չի տաքացնում, խմիչքը մեր ոյժերը չի աւելացնում, խմիչքը մեզ սնունդ չի տալիս: մարդիկ խաբում են իրանք իրանց:»

Միևնոյն բանն է ասում Լիէժցի գիտնական պ. Բիէնֆէ որ խօսել էր Պարիզի միջազգային հակալիօլական կօնգրէսում:

«Ալիօլը մարտոզակամն է. — Ոչ, նորա մարտոզութիւնից առաջ է գտլիս ստամորսային մկանունքների վազանցիկ և աղէտալի մի գըրգռում, որովհետև ալիօլը ստամորսը գրգռելուց յետոյ, անդգայացնում է, որովհետև արիւնը դէպի մորթը բաշում, և ստամորսային հիւթի ներգարծութիւնը արգելում է: Ալիօլը ակտորժատն է. — Ոչ, բայց ստամորսային մի գրգռութիւն է պատճառում, որը առաջ է բերում մի գգայութիւն, քաղցածութեան պատրանք: Ալիօլը սնունդ է. — Ոչ, նա չի համապատասխանում այս սահմանումին, և արտադրած ջերմութիւնը չի ծառայում ոչ իրական ջերմութեան և ոչ մկանային գործունէութեան: Ալիօլը տաքացնում

է. — Ոչ, միայն դէպի մորթը մի արեան խուժում է տեղի ունենում, և ընդհանուր սառչում:»

Միևնոյն ճշմարտութիւնները շարունակ կրկնում են մեզ բոլոր խելացի, գիտուն և առողջաբան մարդիկ, երկար տարիների փորձառութիւններից վճռապէս կըրակացութեան եկած:

Ուրեմն, խկապէս, բոլոր խմող մարդիկ, իրանք իրանց խաբում են, և զարմանալի մի ինքնաբաւականութեամբ քայքայում իրանց առողջութիւնը՝ որ զին չ'ունի:

Խմելուց առաջ են գալիս շատ տեսակ թշուառութիւններ: 1° բարոյական. խելքի մըտքի բթացում, անընդունակութիւն, և հակում դէպի շարութիւն ու անբարոյականութիւն: 2° Նիւթական. աւելորդ ծախսեր, շռայլութիւն, վատնում, աղքատութիւն: 3° Ֆիզիկական. բնական ոյժերի թուլացում, անկարողութիւն, ակտորժակի նուազում, անքնութիւն, սաստիկ ու երկարատև ցաւեր, յուսահատութիւն, և կանխահաս մահ:

Խմելուց նոյն իսկ անմիջական մահ կարող է առաջ գալ: Այդ մասին բաւական է յիշել, իբրև անվիճելի փաստ, որ համաձայն կատարուած ամենաստոյգ վիճակագրութիւնների, միայն Ռուսաստանում, տարեկան 35,000 հոգի ոգելից խմիչքներից թունաւորուելով անմի-

չապէս մեռնում են:

Նշանաւոր առողջարան Սրբ Բէնժամէն Ուարդ Բիշարդսըն, կազմախօսակտն և բնախօսական օրէնքով ապացուցանում է թէ. «Վարդս մինչև 105 տարի ապրելու յարմար կազմուածք ունի: Վարդոց դոնէ հարիւրին 75-ը այս չափ տարի պիտի կարողանային ապրել, եթէ լինէին ժուժկալ, և լաւ տնտեսէին իրանց ֆիզիկական, իմացական ու բարոյական կարողութիւնները:»

Մենք տեսնում ենք իսկապէս, որ այն բոլոր ցեղերը, որոնց մէջ կրօնական ու քարաքական օրէնքով արգելուած է ոգելից խմիչքներ գործածելը, նորա ընդհանրապէս շատ առողջ ու երկար են ապրում:

Անժուժկալութիւնը մի տեսակ անյազ որդ է, որ երբ մարդու մէջ բոյն է դնում, հետզհետէ լափում ու սպառում է կեանքը:

Կարող է պատահել, որ խմելու սովորութեան ազդեցութիւնը սկիզբներում, և կամ մինչև մի որոշ ժամանակ նկատելի չլինի: Բայց վտտահ եղէք, որ անպատճառ մի օր, առաջ է գալու նորա վտանգաւոր ազդեցութեան բացարձակ նշանները, ինչքան էլ քիչ լինի նոյն իսկ գործածուած խմիչքի քանակութիւնը:

Գուցէ յիշուում է, որ անցեալ 1903 թուի ապրիլի 15-ին Գերմանիոյ Բրեմէն քա-

ղաքում կայացաւ մի հակալիգոլական համաշխարհային կօնգրէս, որի մասին գրուած էր նա և «Մշակ» լրագրում: Եւր կօնգրէսում Ստոկհօլմից եկած փիլիսոփայութեան դոկտօր Պ. Բերգմանը, գիտական անհերքելի փաստերի վրայ հիմնուելով յայտնեց թէ. «Ալկօլի ամենաշնչին քանակն անգամ թսնաւոր է, և խորտակիչ ազդեցութիւն է գործում մարդու առաջութեան վրայ»: Իսկ Լօզանից եկած պրօֆէսօր Պ. Յօրէլլը՝ որ նոյնպէս խօսել էր այդ կօնգրէսում, առաց թէ. «Ոգելից խմիչքի մի փոքրիկ կաթիլն իսկ թոյն է պարունակում»:

Յայտնի է թէ մարդոց կեանքը վտանգների դէմ ապահովագրող ընկերութիւնները, իրանց ժուժկալ անդամներին 10 կամ 20% միշտ զիջողութիւն են անում: Այդ ապահովագրական ընկերութիւնների մահացուցակաները ցոյց են տալիս, որ ժուժկալ անդամների մահաթիւր անժուժկալներից 30% պակաս է լինում:

Գիտնականօրէն ապացուցուած է թէ՛ խմող մարդիկ ընդհանրապէս իրանց յատուկ մի կարգ հիւանդութիւններ են ունենում: Գորանցից զլիսաւորները կազմում են ստամոքսի, լեարդի, երիկամունքի, թոքի, սրտի և ուղեղի հիւանդութիւնները: Ալկօլը՝ նախ այդ գործարանների միջից է անցնում և ամենից աւելի նորանց

վիշաքնում: Ապացուցուած և այն, որ խմող հիւանդը շուտ չի լաւանալուց յետոյ, դրութիւնը հետզհետէ աւելի էլ վատանում է, բոլորովին անյուսալի դառնում: Յայտնի է թէ ալիօլից յետոյ՝ թորախտը նոյնպէս ինչ՝ զարհուրելի աւերներ է գործում ամեն տեղ: Ինչից է առաջ գալիս թորախտը:—Բացի ժառանգականութիւնը՝ ի հարկէ և շատ պատճառներէց: Արդ՝ բժիշկները հաստատում են, որ ստացական թորախտի գլխաւոր պատճառներէց մէկը կազմում է ալիօլամուլութիւնը: Արուհեակ, ասում են նորա, ալիօլն ու թորախտը իրար հետ շատ սերտ յարաբերութիւն ունին մարդու մէջ: Այդ մասին մի շատ հետաքրքիր դասախօսութիւն էր կարդացել Բրեմէնի հակալիօլական կօնգրէսում՝ բժշկապետ Պ. Լեգրէն, որ նախագահն է Յրանտիական Հակալիօլական Միութեան: Պ. Լեգրէն այդ երևոյթը մանրամասնօրէն քննելուց յետոյ յայտնեց, որ իսկպէս՝ «Ալիօլը նախապատրաստում է անհատին թորախտի ճիրանները ձգելու համար»: Յետոյ այն որ՝ «ալիօլը կրկնակի է ազդում թորախտի զարգացման, մանաւանդ մանկական հասակում, և խանգարում, մինչև անգամ անկարելի դարձնում նորա բուժումը»: Եւ որ վարջապէս, Պ. Բժշկապետի կարծիքով՝ «այս

երևոյթը աւելի յաճախ է կրկնում, քան բնածին թորախտը, որի գոյութիւնը դեռ ևս վիճելի է»:

Բայց արդեւ խմելու մտութեան շարիքներին միմիայն խմողն է ենթարկում:—Այլ խմողը բացի իրանից թշուառացնում ու դառնացնում է և իւր սիրելիների կեանքը: Աւելի սասափելի են մանաւանդ ժառանգական անողորմ զօրախտութիւնները: Թէ խմելու մտութեան գերիւնկողից բարոյապէս թէ ֆիզիկապէս ինչ՝ հիւանդոտ, այլանդակուած ու այրասեռուած սերունդներ են առաջ գալիս, այդ ցոյց են տալիս բանտերում, յիմարանոցներում ու հիւանդանոցներում կազմուած վիճակագրութիւնները:

Պօկտօր Մ. Իւթիւձեան, որ անդամ է մի քանի առողջապահական ընկերութիւնների, հետևեալ կերպով է ներկայացնում զինեմոլից առաջացած սերունդների այլատեսման ազգաբանական պատկերը: «Առաջին սերունդ.— ոգելից ըմպելեաց սովորութիւն, չափազանցութիւն, բարոյական վատթարացում: Երկրորդ սերունդ.— սովորական արբեցողութիւն, չեշտեալ, խելայեղ յայտնութիւնք. ընդհանուր և առաջադիմական անդամայուծութիւն: Երրորդ սերունդ.— սեամայծութիւն, մելամայծութիւն, ձգտում ցոփոթեան, ոճրագործութեան, կազմական տարկանոնութիւն, ֆիզիկական իղճալի կազ-

մուած, յաճախ հիւանդութիւն և կանխահաս
մահ: Չորրորդ սերունդ.— Անկարողութիւն, շլա-
մուութիւն, ապշութիւն, այլանդակութիւն,
հրէշութիւն, բացարձակ ամուլութիւն, և մեռեալ
մարդածնութիւն»

Անգլիացի հոշակաւոր յիմարաբոյժ, դօկ-
տօր Ջօն Սքուլինկ, մի վիճակագրութիւն է
հրատարակած, որ ապացուցանում է թէ, խե-
յագարների 35⁰/₁₀-ը գինեմուլութեան զոհեր են:
Մինչ դեռ զանազան տեսակ վշտերից և դըժ-
բախտ արկածներից ամենաշատը 15⁰/₁₀-ից աւել-
ի խելագարուողներ չեն եղած:

Իսկ Բօն քաղաքի բժշկական համալսարա-
նի դասատու, յիմարաբոյժ Բիշման բժիշկը,
յայտնի իր 80-ամեայ փորձառութեամբ, մի
գինեմուլ կնոջ սերունդների այլասեռման վիճակ-
ագրութիւնն է տալիս: Այդ կնոջ անունն է
Իւզաթիւնթ, որից առաջացած է 834 սերունդ,
Գորանցից 709-ը առհասարակ մուլթ, կասկա-
ծելի և վատ թար կեանք են վարել, հետևաբար
եղի են բանտերի յաճախորդներ, ժամանակա-
ւոր թէ մշտական: Հաստատուած է մասնաւո-
րապէս՝ 106 ի ապօրինի ծնունդ լինելը, 142-ի
աղքատախնամ ընկերութիւններից նպաստ ստա-
նալը, 72-ի զանազան ոճիրներ կատարելը, 181-
ի պրոնկանալը և 7-ի մարդասպանութիւն գոր-

ծելը: 75 տարուայ ընթացքում, Իւզաթիւնթ
ընտանիքի այլասեռուած անդամներին սան-
ձահարելու, պատժելու և պահելու համար Գեր-
մանիան ծախսել է 3 միլիօն բուրլի:

Է.

Ան այս կարգի ամեն տեսակ թշուառու-
թիւնների ու աղէտների առաջն առնելու հա-
մար է, որ Եւրոպայում թէ Ամերիկայում հիմք
են դրել վաղուց, և սկսել են գործել՝ բազմա-
թիւ ճակալիօլական ընկերութիւններ: Այդ
ընկերութիւնների ունեցած անդամների թիւը,
այսօր, հասնում են մի քանի տասնեակ միլի-
օնների:

Միևնօյն նպատակով գործող ընկերու-
թիւններ կան և ռուսաստանում: Ռուսաստա-
նում յայտնի է և 1894 թուին Ալէքսանդր III-ի
հիմնած օրէնքը, այն է՝ մասնաւորների ձեռ-
քից վերցնելով ալիօլի վաճառումը, մենալա-
ճառութեան ենթարկել: Այդ մենալաճառու-
թեան օրէնքին և միանում են մի կարգ նա-
խատեսուած այլ միջոցներ, որոնց բոլորի նպա-
տակը ուրիշ բան չպէտք է լինի, բայց եթէ
իմիայն՝ ժողովրդի դէպի արբեցողութիւնը ու-
նեցած ձգտումը արգելել ռուսաստանում: Այդ

օրէնքը արդէն գործ է դրում ուսաստանի շատ քաղաքներում ու գիւղերում:

Հոլանդիայում նոյնպէս, ալիօթկանութեան շափազանցութեան պէմ գործադրող օրէնքը լաւ արդիւնքներ է տուած: Այսինքն՝ գինեաների թիւը գրեթէ կէս առ կէս պակասել է: Պակասել է նաև ալիօլի սպառման քանակութիւնը $8\frac{1}{2}\%$:

Ալիօլի սպառման քանակութեան $\frac{6}{7}\%$ պակասելը նկատուած է և Ֆինլանդիայում, վերջին 35 տարուայ ընթացքում:

Եվէգիայի շատ կողմերում այժմ մեծ յաջողութիւն է ունենում «Գօթերբուրգեան» անուն յայտնի գործունէութեան եղանակը: Այդ գործունէութեան եղանակը կայանում է նորանում, որ քաղաքային վարչութիւնները իրանց ձեռքն առնելով ողելից խմիչքների վաճառատները յանձնել են՝ ժողովրդի առողջութիւնը թանկ գնահատող և շահամուտութեան չի ձգտող բնկերութիւնների: Գործելու այդ եղանակը ընդունուած է և ուրիշ երկրներում:

Անգլիայի շատ քաղաքներում, 70 տարուց իվեր հաստատուած կան բազմաթիւ ժուժկալական ճաշարաններ ու սրճարաններ, որոնց մէջ կատարելապէս բացակայում է ոգելից խմիչքների մատակարարութիւնը: Լօնդոնում մի-

այն այդ կարգի 78 ճաշարաններ կան, որոնք օրական 80,000 հոգու ճաշէն տալիս:

Ամերիկայում և Անգլիայում, նոյն իսկ, կէս դարուց իվեր գոյութիւն ունին նահանգներ, որոնց մէջ քաղաքական իշխանութեանց կողմից, ժողովրդի ցանկութեամբ, օրինաւորապէս արգելուած է ոգելից խմիչքների վաճառումը: Եւ իրօք, գիտուած է, թէ այդ նահանգներում յանցագործութիւններ շատ սակաւ են պատահում, իսկ սճիրներ՝ գրեթէ երբէք:

Այդ մտքով քալ առնելու մի փորձ երևաց վերջերս և Ֆրանսիայում: Երողութիւնը այն է, որ Պարիզի բժշկական ակադեմիայի հակալիօլական յանձնաժողովի մէկ նիստում, գիտնական պ. Լապօրտ ներկայացրեց մի տեղեկագիր: Չի մոռանանք ասել, որ պ. Լապօրտ այդ յանձնաժողովի ամենագործոն անդամներից մին է: Նա իւր տեղեկագրի մէջ շեշտում էր այն ահաւոր աւերները, որ գործում է ալիօլը Ֆրանսիայում, չի նայած որ այդ երկրում գործող հազարաւոր հակալիօլական բնկերութիւններ կան: Նա, ի վերջոյ, խնդրում էր՝ ակադեմիայից՝ լուրջ առաջարկութիւն անել կառավարութեանը՝ վերջնելու համար ալիօլի վաճառումը բոլոր խանութներում, և թոյլ տալ պահել միայն դեղատներում: Իսկ առանց բժշկի հրամանի մի կա-

թիւ նոյն իսկ չի տալ ոչ ոքի, ինչպէս մի վնասակար և թունաւոր դեղ: Պ. Լապորտի տեղեկագիրը ուշադրութեան առնուած է ակադեմիայի կողմից, և գուցէ նպատաւոր վճիռ կը տրուի:

Գալով այժմ այն հարցին, թէ արդեօք արկօլը կարելի է իբրև դեղ գործածել հիւանդութիւնների ժամանակ և օգտուել, այդ գաղափարն էլ արդէն հերքուած է: Եւ դորա դօրեղ, փայլուն ապացոյցը տուել է այն տիպար ժուժկալական հիւանդանոցը, որ 30 տարուց ի վեր գոյութիւն ունի լոնդօնում: Այդ ժուժկալական հիւանդանոցի բժիշկները միմիայն արկօլ չի պարունակող դեղերով են դարմանում ընդունուած ամեն տեսակ հիւանդներին ու վիրաւորներին: Եւ բացարձակ կերպով նկատուած է, որ այդ հիւանդանոցում, հիւանդների մահաթիւր 7% նուազ եղած է, համեմատելով այլ կարգի հիւանդանոցներում պատահած մահաթիւրերին: Ենորհիւ այդ փաստի, ժուժկալական հիւանդանոցները շատանալով, այս օր արդէն աչքի ընկնող մի թիւ են կազմում,

Բ.

Այսպէս ուրեմն, ինչպէս տեսնում ենք,

քաղաքակրթուած երկրներում շատ լայն կերպով ըմբռնուած ու տարածուած է հակալիօլականութեան գաղափարը: Աէտը է ասել և այն, թէ այդ գաղափարին հետևող միլիօնաւոր անհատներից բոլորը, անշուշտ, խմիչք չսիրող մարդիկ ու կանայք չեն եղել: Ընդհակառակը, այդ հակալիօլականների մէջ բաւական մեծ տոկոս են կազմում այնպիսիները, որոնց համար խմելը անհրաժեշտ մի սովորութիւն, պահանջ էր դառած: Բայց նորա, վերջապէս, տեսնելով իրանց առաջ բացուած չարիքի ահաւոր անգունդը՝ թողելն, ոմանք հետզհետէ, և ոմանք միանգամից՝ շնորհիւ իրանց կամքի ոյժի: Աէտը է ասել և այն, թէ ընդհանրապէս քաղաքակրթուած վայրերում ոչ ծիծաղելի է թւում և ոչ էլ արհամարհելի երբ օրինակի համար մէկը վեր է կենում մի որ և է ժողովատեղում, և սկսում է խօսել արկօլի վնասների մասին:

Շատ սովորական մի երևոյթ է այդ վայրերում հակալիօլականութեան մարդասէր գաղափարի քարոզումը, ինչ ձեռի և ինչ պարագայի տակ էլ լինի: Եւ այդ քարոզումները ապարդիւն չեն անցնում բոլորովին: Լսողները մտածում են, դատում, բնականաբար ուղիղ գտնում, և վերջապէս հետևում են: Այդպիսի

դէպքեր լինում են նոյն իսկ ալիօլի ազգեցութեան կատարելագէս ենթակայ եկող մարդկանց շրջաններում:

Ինչ է պատահում սակայն առհասարակ մեզանում, երբ դուք առիթ էք ունենում մի քանի մարդկանց մէջ այդ մասին խօսել: Ի՞նչ կամ ծաղրւում էք և կամ նախատում: Եւ ապա լսում էք այս տեսակ խօսքեր.

— Էհ, բան չ'ունեն: Երեխայական միտք է այդ, յիմարութիւն ուղղակի: Միթէ կարելի է առանց զինու ապրել աշխարհում: Հիանալի բան է խմելը: Կեցցեն քոլոր խմիչքները՝ որ մեզ տալիս են ամեն հաճոյք ու կենդանութիւն:

— Միթէ ինձ արբեցողի անդ էք գրել, գոչում է մի ուրիշը ձեր երեսին՝ վշտացած ու վիրաւորուած, որ այդ տեսակ խրատներ էք կարդում զլիս: Խնդրեմ, դուք գնացէք՝ թունդ խմողներին զգուշացրէք: Իսկ ես, շատ լուճանաչում եմ իմ չափը, և իմ վնասն ու օգուտը:

Ճշմարիտ է, որ սպասահում են երբեմն մարդիկ էլ, որոնք խմելու վնասակարութեանը համոզուած են, և նոյն իսկ շատ էլ համակիր չի խմելու գաղափարին: Բայց որովհետև

նոցա մէջ կանրը մեծ դեր չէ կատարում.

— Ձեմ կարող, չեմ կարող խմելու սովորութիւնս թողնել, ասում են նորա, և շարունակում թոյնի գործածութիւնը:

Մանաւանդ մի կարգ խելացի, իմաստուն համարուած մարդիկ կան, որոնք կամ ընտանիքի հայրեր են և կամ հասարակութեան մէջ առաջնորդողի ու դաստիարակողի դեր կատարողներ: Սոքա էլ մի շատ զարմանալի և ազնեցնող գատտսխան են տալիս ձեր խոսքերին: Նորա ասում են.

— Մեր խմելը ոչինչ: Նոր սերունդը միայն պէտք է որ զգուշանայ խմելուց: Այո, այդ անհրաժեշտէ, որպէսզի նոքա ժուժկալութեամբ մտնեն կեանքի ասպարէդ, չի փճանան, և լինեն հագով ու մարմնով առողջ, հետեաբար հասարակութեան օգտակար անդամներ:

Բայց արդեօք դուք, ընտանիքի հայրեր ու մայրեր, և դաստիարակողի դեր կատարող պարսններ, միթէ երբէք չէք մտածում ձեր արած խօսքերի, վարմունքի և նոցա հետեանքների մասին: Ասացէք ինչդրեմ, թէ ինչ է սովորելու ձեզանից նոր աճող, զարգացող սերունդը, երբ տեսնում է ամեն օր, որ դուք սեզան նստելիս, մի քանի բաժակ օղի, զլնի կամ գարեջուր անպայման խմում էք:

Մենք խրատում ենք մեր փոքրիկներին, զգուշացնում նորանց, թէ սուտ խոսելը մեծ յանցար է և ամեն շարիքների մայր: Բայց նոցա առաջ մենք ինքներս սկսում ենք սուտ խօսել, կեղծել:

— Որդի, ասում ենք մենք մեր զաւակին կամ սանին, իմացիր որ խմելը շատ վատ բան է: Խմող մարդը անպատիւ, անբարոյական, աղքատ ու ամեն կերպով թշուառ կը լինի ի վերջոյ: Զգուշացիր սիրելիս, զգուշացիր: Քո օգտի համար եմ ասում միայն, զգուշացիր:

Ասում ենք, զգուշացնում ենք, և ինքներս նոցա առաջ խմում ենք փառաւորապէս:

Սյո ամենքս էլ ամեն ջանք թափում ենք զգուշացնելու մեր փոքրիկներին ամեն տեսակ վատ վարմունքներից: Բայց ինքներս չենք տալիս ըզգուշանալու անձնական օրինակը:

Եւ բնականաբար մեր այդ խրատները ոչ մի արդիւնք չեն ունենում:

Մենք մոռանում ենք: Ոչ, չենք մոռանում, այլ գիտենալով անտես ենք առնում այն ամենատարրական ճշմարտութիւնը թէ, ամենամեծ բարոյական խրատը, որ կարող է ազդել մեզ ըստիների վրայ, դա անձնական բարի օրինակն է:

Զգուշանանք ուրեմն վատ օրինակ լինելուց: Խնայենք նոր սերնդին:

Ժ.

Խմելու վնասների մասին խօսելուց յետոյ, այժմ մի քանի խօսք էլ ասենք այդ տարածուած ախտի առաջն առնելու միջոցների մասին:

Դա մի նիւթ է, որի մասին շատ զրուած ու շատ էլ խօսուած է: Բայց թէ արդեօք մինչև այժմ, գլխ մեղանում, զործադրուած այդ միջոցները մի զգալի արդիւնք տուե՞լ են:

Սյդ հարցին, դժբաղդաբար, այնքան էլ մի մխիթարական պատասխան չենք կարող տալ: Բայց և այնպէս, շարիքն այնքան մեծ է ու տարածուած, որ մասնաւոր յաջողութիւններն էլ պէտք է քաջալերել: Որովհետև մարդիկ, մոլութիւններից առհասարակ դժուարութեամբ են ձեռք վերցնում, մանաւանդ երբ տգէտ են լինում:

Պէտք է ամեն միջոց գործ գնել: Արիւնարբու թշնամին, բազմազլխեան հրէշը, միշտ մեր աչքի առաջն է. այս տեղ, այն տեղ, ամեն տեղ: Նորա գոյութիւնը մի անգամից ջնջել, անկարելի է: Բայց կարելի է նորա ոյժը ջլատել, հարուածել՝ ամեն հնարաւոր բարոյական զէնքերով: Սյդ շարիքի դէմ կռուելը սրբազան դարտականութիւն է ամեն մի կըր-

թուած և խելօք մարդու համար:

Միայն թէ պատահած անյաջող գէպրե-
րից չպիտի յուսահատուել: Գուր միշտ նկատի
ունենցէք, որ կարողէք ոչ միայն ծայրուել ու
նախատուել, այլ նոյն իսկ թշնամանուել ու
հալածուել:

Մտութիւնների ու նախապաշարմունքնե-
րի գէմ կռուողը միշտ այդպիսի անախորժ
գէպրերի կարող է պատահել: Անյողողող պիտի
լինել ու անվհատ գործել: Գորանումն է կա-
յանուս գործողի մեծ արժանիքը:

Ուրեմն՝ համարձակ պիտի խօսուել ամեն
տեղ: ընտանիքներում, գինետներում և թէ
հանդիսական տեղերում, ամեն տեսակ խմիչը-
ների վնասակարութեան մասին:

Թող համոզուի խնոցը, որ այնքան էլ
դժուար չէ բուժութիւնից ձեռք բաշելը: Բա-
ւական է միայն՝ հաստատուն կամք ունենալ:

Ամեն մեծ շարիք՝ փոքրից է սկսում:
Խմելու մտութիւնը, և կեանքի թունաւորումը,
մէկ բաժակ խմիչքից է առաջանում: Ուստի,
զգուանքով ու սոսկումով պէտք է հեռու փախ-
չել այդ մէկ բաժակից:

Փոքրիկների վրայ մասնաւոր ուշադրութիւն
պիտի դարձնել, և հսկել, որպէս զի նոքա տա-
նից դուրս փառ աղբիցութիւնների շենթար-

կուին: Ուսուցիչները ծնողներին պէտք է կա-
րող են ազդել մատաղ մտքերի վրայ՝ իրանց
օգտակար դասախօսութիւններով: Երբ պատա-
նակութիւնն ու երիտասարդութիւնը մոլու-
թիւններից զգուշանում է, կատարեալ հասակի
ու ծերութեան երջանկութիւնը ապահովուած է
լինում:

Հարկ ենք համարում մասնաւորապէս և
բանաւոր դասակարգի կառավարիչների ուշադ-
րութիւնը հրաւիրել այս խնդրի վրայ: Նորա
պէտքէ զգուշացնեն գործաւորներին, որպէս զի
արիւն քրտինքով ձեռք բերուած կողեկները
խմիչքի չի տան, այլ յատկացնեն իրանց ընտա-
նական կարիքներին: Խմիչքի տրուած փո-
ղիքը պահելով՝ սև օրուայ համար մի աղաւէն
կուսենան: Օրական խնայուած 20 կողեկից՝
տասը տարուան ընթացքում տոկոսներով գո-
յանում է 1000 ըուրլի: Միւթական ապահովու-
թիւն և անձի առողջութիւն. այս չէ՛ նորանց
յանկացածը:

Հրաւիրում ենք նոյնպէս զիւզական հա-
սարակութիւնների վարիչների ուշադրութիւնը
այս մասին:

Վերջացնելուց առաջ մեր խօսքերը, զի-
մում ենք ձեզ, յարգելի տիկիներ և օրիորդ-
ներ: Գուր զիտէք արդեօք, թէ ձեր զգուշաց-

նող մի նայուածքն ու խելացի խօսքը, ինչ հմայող ազդեցութիւն կարող է առաջ բերել տղամարդկանց վրայ: Մի մուսանար: Այդ պահանջում է նոյն իսկ ձեր սեպհական շահը, եթէ դ դ կամենում էք ապրել անդորր ու երջանիկ քնտանեկան կեանքով:

Երիտասարդ պարոններ, գիտէ՞ք արդեօք թէ ձեր եռանդուն և անձնուէր գործունէութիւնից ինչ հրաշքներ կարող են առաջ գալ, և բարութեան ազդիւրներ բղխել:

Փորձեցէ՛ք՝ և անշուշտ կը տեսնէք: Մի լինէք անհոգ ու անտարբեր ձեր շուրջը տիրող սոցիալութեան շարիքների ու թշուառութիւնների դէմ: Անհոգութիւնը ու անտարբերութիւնը մանաւանդ երիտասարդ հասակում՝ նշանակում է անկենդանութիւն, մահ:

Ենչ՞ում էք, ապրում էք. ցոյց տուէք ուրեմն կեանք, և գործունէութիւն:

Ձեր գոյութիւնը ապացուցէք:

Ձեր գոյութիւնը արդարացրէք:



« Ազգային գրադարան



NL0267121

2872

Գ Ի Ն Ն Է 3 Կ Ո Պ.

Պրահի Թորգայա շուրճ, Անտոյ Բարուչյանի.